


# औशियाळे दी आन्दौ



1. दुइ गौर
2. गौरै कौइ बागौन्दौ माणुछ वापस आओ



बाग - 1

परकाशण: -  
बंगाणी भाषा मसिही समिति  
त्यूणी (उत्तराखण्ड)

## दुइ बुशै

परमेश्वर रि दौया कौइ आमैं हर साल बंगाणी इलाके दि कलिसियाउँ रै साथै मिलियौ वी. बि. एस. रौ कार्यक्रम रौऐ कौरदै लागी। औज़ि वी बी एस कार्यक्रम खि आमै पेटारौउँ खि तिउँरी उमर रि इसाबै कौइ पौड़ने रि सामग्री तियार कौरीण। ऐ किताब बी तेशेइ कौइ तियार कौरियौन्दि। एज़ी किताबी दि बाइबल कौइ नियौन्दि कुछ काँऽणीऐ औज़ि एज़ि काँऽणीउँ कौइ पेटारै शिकी सौकैण कि तिउँ आपड़ी जिन्दगी बर औशियाळे दी आन्डणौ। जेसकौइ पेटारै सौदाइ परमेश्वर रै बचन दि बौड़ै लै औज़ि बिश्वास दि मज़बुत औन्दु रौयै लै। एज़ी बौज़ै कौइ पेटारै छोटिऔरौ कौइ परमेश्वर रौ प्रेम औज़ि डौर दि बौणी रौऐ लै।

एज़ी आमारी आशा औज़ि प्रार्थना।

परमेश्वर तुम सारिउँ कै आशिश दै

सतसंग आदारित साक्षरता समू

काँऽणी

यीशु लोगु कौइ परमेश्वर रौ बचन शिकान्दु रौयै थौ पर कुछ लोग तै तेसरै बचनेइ मानेण थै, औज़ि तेसरै इसाबै कौइ चौलैण बी थै, पर कुछ लोग एशै थै जुण बचन शुणैण थै पर तेस दि ना चौलैण थै। एजि बौज़ै कौइ यीशु मसीएइ एशैशै लोगु रै बीचै रै अन्तर रै बारेदि एक काँऽणी शुणाइं। यीशुइ बोलौ, “जूण बि मेरै बचनू शुणै औज़ि तेसदि चौलैण सेउ तेस समज़दार माणछै ज़ाई, ज़िणी आपड़ौ गौर डौकाने दि च़ाणौ। औज़ि ज़ौ ज़ौड़ लागौ औज़ि बाढ़ आइ, खौरी बागूर च़ौली, तै तेस गौरै पारै टौकरान्दि लागी, पर सेउ गौर ना डौळौ, केलाकि तेसरि बुनियाद डौकाने दि थी पाईयौन्दि। तै यीशुइ दुजै परकार रै माणछै रै बारे दि बोलौ कि “ज़ौ कोइ मेरै बचनुं शुणै पर तिउं दि ना चौलदौ, सेउ तेस बेऊकुफ़ माणछै ज़ाई, ज़िणी आपड़ौ गौर बाळू माइं च़ाणौ। औज़ि ज़ौ ज़ौड़ लागौ, औज़ि बाढ़ आइ, खौरी बागूर फ़िरी, ज़ौ तेस गौरै पारै टौकराई, तै सेउ डौळियौ छत्यानाश उवौ। एशैशौइ” यीशुइ तिउंवारी एशौ बी बोलौ, शुण तेसरी बुशेइ मानेण, सै आशै ज़ाइं। जेशौ आशौ कासीउं कौइ ना च़ोरुइ सौक्दौ, औज़ि ना तेसरै काम च़ोरिन्दै, आमैं बी तेसी बाशी बौणिलै।




**बचन:-** (बचन पेटारौउं कौइ याद कौराऔ, औज़ि तिउं कौइ चार्ट पारै लिखाऔ)

तुमै दुनिया रौ आशौ। जून्ज़ौ शैर डान्डै माई बौसौन्दौ सेउ च़ोरुई ना सौक्दौ।

चित्र दि रंग बौरै : -



एस गौरेइ पुरौ कौराओः -




एज़ि काँऽणी रौ नाटक कौरौः-



मिलियौ प्राथना कौरौ :-


एज़ौ चित्र पुरौ कौरौ:-



काँऽणी

जेत्रा यीशु ई दुनिया दी थौ, सेउ सारै लोगु कौइ परमेश्वर औज़ि स्वर्ग राज्य रै बारे दि बोलै थौ, औज़ि बौरी लोग यीशु काइ आयैण थै तिउँरै साथै पापी औज़ि बुरै काम कौरणै वाळै लोग बी यीशु मसी काइ आयैण थै।

ताकि सै तेसरी बुशै शुणियौ आपडै पापु कौइ आपडौ ज़िउ फिराइयौ आशे दी आन्दै लै। पर फरीसी औज़ि शास्त्री यीशु मसी रै बारे दि कुड़कुड़ाइयौ बोलैण थै, “एउ तै पापी लोगु रै साथै रौयै, औज़ि तिउँरै साथै खाणौ बी खायै।” तैबै यीशुइ तिउँ सौमज़ाणे खि एक काँऽणी शुणाइं “एक माणछै रै दुइ बेटा थै, तिउँ माइं कौइ छोटै वाळेइ आपडै पापा आरी बोलौ, ‘ए पापा, ज़ाईज़ात माइं कौइ जुण्ज़ौ ईसौ मेरौ, तेस मुकै ओरु दै,’ तै पापाइ आपडी ज़ाईज़ात तिउँ दुईयाऊँ कै बाँटी देई।



औज़ि कुछ दूस बासियै छोटौ बेटाइ सारी ज़ाईज़ात गिणियौ दूर परदेशे खि डैअ, तेत्कै बादि ज़ाईज़ात गलत कामु दि बरबाद की। ज़ौ तिणी आपडी सारी ज़ाईज़ात खतम कौरी गोइ थी, तै तेस देश दि बैकर औकाळ पौड़ौ, औज़ि तेसकै खाणे खि बी कुछ ना बौचौ, तै तेसकै तेस देश दि कासिकाइ सुंगरू चौराणै रौ काम मिलौ। औज़ि सेउ च़ायै थौ, कि ज़ेज़ौ खाणौ सुंगूर खायैण थै, तेसी खाइयौ तै आपडौ पेट बौरै लौ, पर तेस कौइ कोइ कुछना खौआयै थौ। ज़ौ तेसकै अकल आइ, तै सेउ सुँचदै लागौ, ‘मेरै पापा रै गौरे दि केत्ती मज़दूर कै ज़ौरुरत कौइ ज़ादा रोटियै मिलै, औज़ि आँऊ रौ एत्कै बुखिया मौरदै लागी, ऐबै आँऊ

आपड़ै पापा काइ डेइयौ बोलू, ए पापा, मुई तेरै औज़ि स्वर्ग रै परमेश्वर रै बिरोद दि पाप कियौंदौ। ऐबै आउं एस लार्डक ना रौ कि तेरौ बेटा गौणिऊं लौ, मू आपकाइ एक मज़दूर ज़ाई छाड़'। तैबै सेउ ऊजुईयौ, आपड़ै पापा रै गौरै डेन्दै लागौ, सेउ इबि गौरै काइ कौइ दुडड़ेइ थौ कि, तेसरै पापाइ सेउ दुरै कौइ देखौ, औज़ि तेसकाइ खी दुड़कियौइ डेइयौ तेसकै गीण देई। बेटाइ पापा बोलौ, 'पापा जी, मुई स्वर्ग औज़ि तेरी नज़र दि पाप कियौंदौ, ऐबै आउं एस लार्डक ना रौ, कि तेरौ बेटा गौणिऊं लौ। पर पापाइ आपड़ै नुकरुं वारि बोलौ, 'फट्टुचारे खि बौड़िया कौइ बौड़िया जुड़कै गाड़ियौ एसकौइ बिड़ाअ, औज़ि आथे दि काँगणी, औज़ि बाँगणौऊं दि बूट लाअ, औज़ि बौड़िया खाणौ चाणौ, ताकि आमै खाइयौ खुशी मनाइ लै। केलाकि मेरौ एउ बेटा मौरी गोअ थौ, ऐबै जी गोअ, और्ची गोअ थौ, ऐबै मिली गोअ।' तै सै खुशी मनान्दै लागै। एज़ि काँऽणी कौइ यीशु मसीएइ सै लोग सौमज़ाए कि परमेश्वर पापी लोगु कौइ केती पियार कौरै, ताकि तिउंरै पेटारै दुनिया रै इनारेइ छोड़ियौ आशे दि आयै लै, औज़ि तेसदि आन्दै लै।

**बचन:-** (बचन पेटारौउं कौइ याद कौराऔ, औज़ि तिउं कौइ चार्ट पारै लिखाऔ)

केलाकि तुमै तै औगौणिकै इनारै कै थै, पर ऐबै तुमै पौरबु दि (औशयाळै) तुमै आशे रि सन्तान बाशी च़ौलौ।

इफिसियों 5:8

**शिकणै वाळी बुशै : -**


1. आमु आपड़ै आमा पापा रि बुशै मानणी च़ाड़।
2. आमु परमेश्वर औज़ि आपड़ै पापा रै खिलाफ दि पाप ना कौरणौ च़ाड़।



चित्र दि रांग बौरौ : -



बेटा कै पापा काई डेणै रि बाट देखाऔ:-



एज़ि काँऽणी रौ नाटक कौरै:-



मिलियौ प्राथना कौरै :-

एज़ौ चित्र पुरौ कौरौ:-

